



KANTONALNO JAVNO KOMUNALNO PREDUZEĆE
"VODOVOD I KANALIZACIJA" d.o.o. SARAJEVO

PREDUZEĆE ZA PROIZVODNJU I DISTRIBUCIJU VODE, ODVOĐENJE I PREČIŠĆAVANJE OTPADNIH VODA
Por. br.: 01841358, Mat. br.: 20187646, Općinski sud u Sarajevu, rješenje broj: 065-0-Reg-21-005229
Sjedište: ul. Jaroslava Černija br. 8, tel: 033/237-655, 033/483-400, fax: 033/440-658, www.viksa.ba
e-mail: press@viksa.ba PDV-IB: 200151950004, ID: 4200151950004

Sarajevo, 26.02.2026. godine
Broj: 1317/26

U skladu sa Zakonom o radu („Službene novine Federacije BiH, br. 26/16, 89/18, 44/22 i 39/24), Uredbom o postupku prijema u radni odnos u javnom sektoru na teritoriji Kantona Sarajevo („Službene novine Kantona Sarajevo“, br. 19/21 i 10/22), na osnovu člana 47. Statuta KJKP „Vodovod i kanalizacija“ d.o.o. Sarajevo od 18.04.2022. godine, Saglasnosti Vlade Kantona Sarajevo, broj: 02-04-52223-15/25 od 06.11.2025. godine, i Saglasnosti Ministarstva komunalne privrede, infrastrukture, prostornog uređenja, građenja i zaštite okoliša Vlade Kantona Sarajevo broj: 05-09-30-48841/25 od 13.10.2025. godine KJKP „Vodovod i kanalizacija“ d.o.o. Sarajevo raspisuje:

JAVNI OGLAS
za prijem radnika u radni odnos na neodređeno i određeno vrijeme uz probni rad

Raspisuje se javni oglas za prijem radnika u radni odnos na: neodređeno vrijeme uz probni rad od 6 (šest) mjeseci i 3 (tri) mjeseca, u ovisnosti od stepena stručne spreme, u KJKP „Vodovod i kanalizacija“ d.o.o. Sarajevo, na sljedeća radna mjesta:

1. **Projektant vodovodnog i kanalizacionog sistema** (OJ 311) – 1 (jedan) izvršilac na neodređeno vrijeme uz probni rad od 6 (šest) mjeseci;
2. **Mašinbravar-varioc** (OJ 222) – 1 (jedan) izvršilac na neodređeno vrijeme uz probni rad od 3 (tri) mjeseca;
3. **Radnik** (OJ 122) – 2 (dva) izvršioca na određeno vrijeme do 12 (dvanaest) mjeseci uz probni rad od 3 (tri) mjeseca.

I - Kandidati koji se prijavljuju trebaju ispunjavati sljedeće uslove:

Opći uslovi:

- da je državljanin Bosne i Hercegovine
- da je stariji od 18 godina
- da ima opću zdravstvenu sposobnost za obavljanje poslova

Potrebni uslovi za poziciju Projektant vodovodnog i kanalizacionog sistema:

- VSS –VII ili I ciklus studija, građevinske struke-hidro smjer
- 1 (jedna) godina radnog iskustva

Opis poslova:

Radi na poslovima projektovanja vodovodne i kanalizacione mreže i učestvuje u izradi i druge projektne dokumentacije za potrebe službe. Uz nadzor Glavnog projektanta/Šefa odjeljenja organizuje i vodi kompletnu izradu projektne dokumentacije ili dijelove projekta (hidrotehnička faza). U skladu sa potrebama službe učestvuje u analizi dostavljene provedbeno-planske dokumentacije, ovjerava projektnu dokumentaciju i vrši nadzor ispred krajnjeg korisnika. Analizira potrebe za rekonstrukcijom i izgradnjom vodovodne i kanalizacione mreže i izrađuje tehnička rješenja za potrebe izgradnje i rekonstrukcije kanalizacione mreže, izrađuje projekte za priključke na vodovodnu i kanalizacionu mrežu. Sarađuje sa eksternim projektantima vodovodnog i kanalizacionog sistema, mreže i priključaka. Vršiti izradu raznih dopisa i odgovora na dopise. Učestvuje u radu komisija. Obavlja i druge poslove po nalogu Šefa odjeljenja iz domena Službe, shodno stručnoj spremi. Za

rezultate svog rada, kvalitet i blagovremenost odgovara Šefu odjeljenja. Odgovoran je za implementaciju sistema kvaliteta.

Mjesto rada: Sarajevo

Radno vrijeme: 40 sati sedmično

Osnovna plaća: 1.763,00 KM

Potrebni uslovi za poziciju Mašinbravar-varioc:

- VKV – V
- 6 (šest) mjeseci radnog iskustva

Opis poslova:

Radi bravarske i zavarivačke poslove na vozilima, građevinskoj mehanizaciji i uređajima. Obavezan je da se pridržava mjera zaštite na radu. Obavlja i druge poslove iz domena Službe po nalogu poslovođe. Za rezultate svog rada, kvalitet i blagovremenost odgovara poslovođi. Odgovoran je za implementaciju sistema kvaliteta.

Mjesto rada: Sarajevo

Radno vrijeme: 40 sati sedmično

Osnovna plaća: 1.455,00 KM

Potrebni uslovi za poziciju Radnik (OJ 122)

- NK - I

Opis posla:

Obavlja poslove na iskopu i sanaciji istog. Rukuje sa mašinama i uređajima (rezačice za asfalt, pumpe za crpanje vode, vibronabijači i dr.) i vodi računa o pravilnoj upotrebi istih. Vodi računa o sigurnosti i bezbjednosti u saobraćaju prilikom iskopa, vodi računa o podzemnim instalacijama drugih firmi i brine o primjeni tehničko-zaštitnih mjera na gradilištu. Poštuje mjere vezane za ispravnost u sanitarno-tehničkom smislu. Obavlja i druge poslove po nalogu glavnog koordinatora i Poslovođe, a u skladu sa stručnom kvalifikacijom i domenom rada službe. Odgovoran za implementaciju sistema kvaliteta.

Mjesto rada: Sarajevo

Radno vrijeme: 40 sati sedmično

Osnovna plaća: 1.092,00 KM

Potrebni dokumenti:

Kandidati su dužni uz potpisanu prijavu, sa kratkom biografijom i kontakt podacima (adresa prebivališta, telefon i e-mail), dostaviti u zatvorenoj koverti sljedeće dokumente u originalu ili ovjerenoj fotokopiji:

- Diploma o stečenom stručnom obrazovanju (za radna mjesta pod rednim brojem 1 i 2 obavezno);
- Potvrda/Uvjerenje poslodavca o radnom iskustvu ili Uvjerenje o činjenicama iz matične evidencije nadležne institucije za penzijsko i invalidsko osiguranje - Listing PIO (za radna mjesta pod rednim brojem 1 i 2 obavezno)
- Izvod iz matične knjige rođenih;
- Uvjerenje o državljanstvu BiH (ne starije od 6 mjeseci od dana izdavanja);
- Potvrda o mjestu prebivališta – CIPS (ne starija od 6 mjeseci od dana izdavanja)

II – Prednost pri zapošljavanju pod posebnim uslovima

Prednost pri zapošljavanju po Uredbi o jedinstvenim kriterijima i pravilima za zapošljavanje branilaca, članova njihovih porodica u Kantonu Sarajevo, Gradu Sarajevu i općinama u Kantonu Sarajevo ostvaruju kandidati koji su na evidenciji Javne ustanove „Službe za zapošljavanje Kantona Sarajevo“ ili su zaposleni na određeno vrijeme ili su zaposleni sa nižom stručnom spremom od one koje posjeduju.

Kandidati da bi ostvarili prioritet pri zapošljavanju trebaju da dostave:

- Dokaz da su u evidencijama Javne ustanove „Službe za zapošljavanje Kantona Sarajevo“ evidentirani kao nezaposlene osobe ili dokaz da su zaposleni na određeno vrijeme ili da su zaposleni sa nižom stručnom spremom od one koju posjeduju (Uvjerenje/potvrda JU „Službe za zapošljavanje Kantona Sarajevo“, odnosno uvjerenje/potvrda poslodavca ne starije od datuma objavljivanja oglasa sa tačno naznačenim radnim mjestom i stepenom stručne spreme);

- Dokumentacija kojom se dokazuje status korisnika po Uredbi o jedinstvenim kriterijima i pravilima za zapošljavanje branilaca, članova njihovih porodica u Kantonu Sarajevo, Gradu Sarajevu i općinama u Kantonu Sarajevo („Službene novine Kantona Sarajevo“, broj: 37/20 i 27/21) je prikazana u tabeli:

Redni broj	Pripadnost branilačkoj kategoriji	Naziv dokaza - dokumenta	Organ koji ga izdaje
1.	Član porodice šehida/poginulog, umrlog i nestalog branioca	Uvjerenje o statusu djeteta šehida-poginulog, umrlog i nestalog branioca - Rješenje o priznatom pravu na porodičnu invalidninu za suprugu šehida-poginulog, umrlog i nestalog branioca - Uvjerenje o učešću u Oružanim snagama šehida-poginulog, umrlog i nestalog branioca	Općinska služba za boračko-invalidsku zaštitu Grupa za pitanja evidencija iz oblasti vojne obaveze prema mjestu prebivališta
2.	Ratni vojni invalid	Rješenje o priznatom svojstvu ratnog vojnog invalida	Općinska služba za boračko-invalidsku zaštitu
3.	Dobitnik ratnog priznanja i odlikovanja	Rješenje o priznatom pravu na mjesečno novčano primanje dobitniku priznanja	Općinska služba za boračko-invalidsku zaštitu
4.	Demobilisani borci	Uvjerenje o učešću u Oružanim snagama	Grupa za pitanja evidencija iz oblasti vojne obaveze prema mjestu prebivališta
5.	Dijete: a) ratnog vojnog invalida b) dobitnika ratnog priznanja i odlikovanja c) demobilisanog borca	Uvjerenje o statusu djeteta ratnog vojnog invalida Rješenje o priznatom pravu na: a) invalidninu b) mjesečni novčani dodatak c) uvjerenje o učešću u Oružanim snagama	a i b) Općinska služba za boračko-invalidsku zaštitu c) Grupa za pitanja evidencija iz oblasti vojne obaveze prema mjestu prebivališta
6.	Supruga ratnog vojnog invalida	Uvjerenje o statusu supruge ratnog vojnog invalida Rješenje o priznatom pravu na invalidninu	Općinska služba za boračko-invalidsku zaštitu

Na sva pitanja i okolnosti koji se tiču prednosti pri zapošljavanju, a koji nisu prethodno navedene, primjenjuju se direktno odredbe Uredbe o jedinstvenim kriterijima i pravilima za zapošljavanje branilaca, članova njihovih porodica u Kantonu Sarajevo, Gradu Sarajevu i općinama u Kantonu Sarajevo („Službene novine Kantona Sarajevo“, broj: 37/20 i 27/21).

Napomena:

Kandidati su dužni uz prijavu na Javni oglas priložiti originale ili ovjerene fotokopije naprijed navedenih dokumenata iz tabelarnog pregleda;

- Potvrda/Uvjerenje o radnom iskustvu mora da sadrži naziv radnog mjesta, stepen stručne spreme potrebne za navedeno radno mjesto i vremenski period obavljanja istog.
- Izabrani kandidat je dužan, prije potpisivanja Ugovora o radu, dostaviti ljekarsko uvjerenje o zdravstvenoj sposobnosti za obavljanje poslova radnog mjesta.

III - Kandidati čija je dokumentacija uredna, potpuna i blagovremena i koji ispunjavaju uslove iz Javnog oglasa bit će obavješteni putem e-maila ili usmenim putem (telefonski - uz sačinjavanje zabilješke) o datumu i vremenu održavanja pismenog (pozicija 1 i 2), i usmenog dijela ispita (sve pozicije).

Rezultati pismenog dijela bit će objavljeni na dan održavanja (isti dan) na oglasnoj tabli u sali preduzeća u kojoj je održano testiranje tako da Komisija nema obavezu da upućuje pojedinačne pismene obavijesti o ostvarenim rezultatima pismenog ispita na adrese kandidata.

Kandidatima će isti dan, također, biti omogućen uvid u njihov pismeni rad.

Ako uredno obaviješten kandidat ne pristupi polaganju pismenog ili usmenog dijela ispita, smatrat će se da je odustao od učešća u oglasnoj proceduri i neće biti pismeno obaviješten o ishodu Javnog oglasa, a o čemu će se sačiniti službena zabilješka.

IV – Rok za podnošenje prijava

Rok za podnošenje prijava je 10 (deset) dana od dana objavljivanja obavijesti o objavi javnog oglasa u dnevnom listu „Oslobođenje“.

V - Obavještenje za kandidate

Pitanja, listu propisa i literatura iz oblasti iz koje će se polagati pismeni i usmeni ispit utvrdio je poslodavac i objavio ih na svojoj web stranici prije raspisivanja javnog oglasa.

Kandidat može kod poslodavca preuzeti pitanja, listu propisa i spisak literature iz oblasti iz koje će se polagati pismeni i usmeni ispit, a koji su prilagođeni radnom mjestu koje se oglašava.

Prijave sa potrebnom dokumentacijom u zatvorenoj koverti dostaviti lično na protokol preduzeća ili preporučenom poštom na adresu:

**KJKP „Vodovod i kanalizacija“ d.o.o. Sarajevo
Ul. Jaroslava Černija broj 8.
71 000 Sarajevo**

sa naznakom

„Prijava na Javni oglas – Ne otvarati“

Na poledini koverta obavezno upisati ime i prezime podnosioca prijave te naziv radnog mjesta na koje se kandidat prijavljuje.

VI – Neblagovremene, neuredne ili nepotpune prijave, kao i prijave koje sadrže kopije dokumenata koje nisu ovjerene, neće se uzeti u razmatranje.

Kandidati, čija dokumentacija je neuredna, nepotpuna i neblagovremena, bit će pisanim putem obavješteni sa navođenjem razloga zašto pristigla prijava nije ispravna, uz mogućnost uvida u dostavljenu dokumentaciju, u roku od 3 (tri) dana od dana prijema obavijesti.

Poslovnik o radu komisije dostupan je na web stranici preduzeća www.viksa.ba.

Priložena dokumentacija neće se vraćati osim na pismeni zahtjev kandidata koji su istu dostavili u originalu.

VII – Kontakt telefon osobe zadužene za davanje dodatnih informacija je:

- 033/483-454 (tehnički sekretar komisije)

KJKP „Vodovod i kanalizacija“ d.o.o. Sarajevo